

<b>Num e sedia</b>	<b>Art. 1</b> L'Uniu Rumantsch Grischun (URG) è ina societad en il senn dal Cudesch civil svizzer (CCS), art. 60 e seg. Ella è autonoma. Ses domicili è quel dal president u da la presidenta.
<b>Mira</b>	<b>Art. 2</b> L'URG ha la mira da promover il rumantsch grischun (rg) e ses adiever.
<b>Realisaziun da la mira</b>	<b>Art. 3</b> Questa mira vegn realisada cun: 1.) atgnas acziuns e publicaziuns, 2.) sustegnair acziuns e publicaziuns en favur dal rg.
<b>Commembers</b>	<b>Art. 4</b> Commember da l'URG po daventar mintga persuna che approvescha ses tschentaments. Commember collectiv da l'URG po daventar mintga societad u uniu tenor art. 60 ss dal CC e mintga instituziun che approvescha ses tschentaments.
<b>Dretgs dals commembers</b>	<b>Art. 5</b> Ils commembers han tut ils dretgs d'ina uniu. Els han il dretg da vuschar, da far propostas ed il dretg d'elecziun activ e passiv.
<b>Organs</b>	<b>Art. 6</b> Ils organs da l'URG èn: 1.) la radunanza generala, 2.) la suprastanza, 3.) il revisurat
<b>Radunanza generala</b>	<b>Art. 7</b> L'organ il pli aut da l'URG è la radunanza generala, a la quala po far part mintga commember. La radunanza generala ha lieu ina giada ad onn durant l'emprim semester. Ina radunanza extraordinaria ha lieu, sche almain diesch pertschient dals commembers pretendan ina tala.

<b>Dretgs da la radunanza generala</b>	<b>Art. 8</b> La radunanza generala ha las suandantas cumpetenzas: 1.) eleger il president u la presidenta 2.) eleger ils ulteriurs commembers da la suprastanza 3.) eleger il revisurat 4.) approvar il protocol da l'ultima radunanza generala 5.) approvar il rapport annual dal presidi e da la suprastanza 6.) approvar il rendaquint ed il rapport dal revisurat e dar distgargia a la suprastanza 7.) approvar il program da lavur ed il preventiv 8.) stipular la contribuziun annuala 9.) reveder ils statuts 10.) schliar l'uniun
<b>Suprastanza</b>	<b>Art. 9</b> La suprastanza è l'organ executiv da l'URG. Ella sa cumpona dal presidi e da 2-5 ulteriurs commembers che vegnan elegids mintgamai per trais onns: 1.) il president u la presidenta 2.) l'actuar u l'actuara 3.) il cassier u la cassiera 4.) 1-4 assessurs u assessuras Ella sa constituescha sezza, cun excepziun dal president/da la presidenta. Insatgi sto vegnir numnà sco remplazzant dal president/da la presidenta. La suprastanza exequescha tut las fatschentas da l'URG. Ella po era eleger cumissiuns e funcziunaris cun incumbensas spezialas. Tar paritad da vuschs decida il president cun dar la vusch da tagl.
<b>Revisurat</b>	<b>Art. 10</b> Il revisurat consista da duas personas e vegn era elegì mintgamai per trais onns.
<b>Program da lavur, preventiv</b>	<b>Art. 11</b> La suprastanza prepara a maun da la radunanza generala il program da lavur per l'onn da gestiun ed il preventiv.

<b>Meds finanzials</b>	<b>Art. 12</b> Ils meds finanzials da l'URG sa cumponan da: 1.) la contribuziun annuala dals commembers 2.) las contribuziuns da sustegn 3.) donaziuns.
<b>Responsabladad</b>	<b>Art. 13</b> Per las obligaziuns da l'uniun garantescha sulettamain la facultad da l'uniun. Mintga responsabladad persunala dals commembers per las obligaziuns da l'uniun è esclusa.
<b>Onn da gestiun</b>	<b>Art. 14</b> L'onn da gestiun è l'onn chalendaric.
<b>Revisiun dals tschentaments</b>	<b>Art. 15</b> La revisiun parziala u totala da quests tschentaments sto vegnir decidida da la radunanza generala.
<b>Schliaziun</b>	<b>Art. 16</b> L'URG po vegnir schliada, sche dus terzs da la radunanza generala giavischan quai. En in cas da schliaziun vegn la facultad da l'uniun deponida tar la Lia Rumantscha. Sch'i na dat entaifer 5 onns nagina nova uniun cun la mira menziunada surwart, dastga la Lia Rumantscha sezza duvrar ils raps per la mira menziunada surwart.

# Tschentaments

da

**l'Uniun Rumantsch Grischun**

17-6-2008

Quests tschentaments formulads 2008, che remplazzan ils tschentaments dal 2003, vegnan approvads da l'uniun il di dad oz:

Cuira, ils 17-06-2008

il president

l'actuar

il cassier

Rino Darms

Andrea L. Rassel

Ursin Lutz

**Deutsche Fassung unter [www.rumantschgrischun.ch](http://www.rumantschgrischun.ch)**